

Truenorth Ísland ehf
Seljavegi 2, 2.h.
101 Reykjavík



UMHVERFISSTOFNUN

Reykjavík, 13. nóvember 2014
Tilvísun: UST20141100056/mik

Efni: Kvikmyndataka við Hofmannsflöt á Djúpavatnsleið innan Reykjanesfólkvangs.

Umhverfisstofnun hefur móttakið erindi True North, dags. 7. nóvember 2014, vegna leyfis til kvikmyndatöku við Hofmannsflöt á Djúpavatnsleið innan Reykjanesfólkvangs 14. nóvember 2014 vegna auglýsingar fyrir MacMillen.

Reykjanesfólkvangur var stofnaður árið 1975, sbr. auglýsingu nr. 520/1975 í Stjórnartíðindum B. Jarðrask á svæðinu er óheimilt nema með leyfi Umhverfisstofnunar.

Lýsing á framkvæmd: um er að ræða auglýsingartöku fyrir samtök sem styrkja krabbameinssjúklinga. Verið er að mynda leikkonu labbar yfir graslendi og hugsanlega mosa í þoku. Staðsetja þarf 2 menn með reykvélar á grasflötinni en nánari staðsetning þeirra fer eftir vindátt. Aðrir í tókuliðinu sem þurfa að vera á tókustað verða staðsettir á vegi. Öll aðstaða fyrir starfsfólk, rúta, trukkan, eldhús og bílar verða á vegi eða við litla námu sem er hinu megin við vegin frá Alexandersnámu. Ef veður verður með þeim hætti að ekki er hægt að taka upp við Hofmannsflöt þá flytjast tókurnar í námuna. Að tókunum koma 45 manns en ekki munu allir verða á sjálfum tókustaðnum.

Umhverfisstofnun veitir fyrir sitt leyti leyfi fyrir kvikmyndatökum og framkvæmdum sem eru í beinum tengslum við þær innan Reykjanesfólkvangs sem lýst hefur verið af hálfu umsækjanda fyrir Umhverfisstofnun, að uppfylltum eftirfarandi skilyrðum:

1. Tilkynna skal til Umhverfisstofnunar hvenær undirbúningur fyrir tókur hefjast og þegar frágangi líkur.
2. Umhverfisstofnun skal tilkynnt um öll frávik við áður útgefna verkefnalýsingu.
3. Starfsmenn við kvikmyndatökuna gangi snyrtilega um svæðið og forðist allt rask.
4. Samþykki landeigenda fáist fyrir kvikmyndatökunum.
5. Allur akstur utan vega og merktra slóða er óheimill. Á þetta einnig við um slóða sem eru aflagðir og búið að loka. Óheimilt er að leggja bílum utan vega við vegstæðin.
6. Þar sem tókulið þarf að vera staðsett utan vegar skal setja út palla/mottur til að hlífa gróðri ef þörf er á og/eða eftirlitsaðili metur að þess þurfi.
7. Óheimilt er að raska jarðminjum og gróðri.

8. Óheimilt er að trufla dýralíf.
9. Truc North skal kynna fyrir starfsfólki kvikmyndatökunnar þau skilyrði sem fylgja leyfinu áður en undirbúningur og tök hefjast.
10. Ef upp koma álitamál um framkvæmdir sem tengjast tökunum og frágang svæðisins skal hafa samband við Umhverfisstofnun.
11. Umhverfisstofnun mun fara með eftirlit með kvikmyndatökunum, undirbúningi þeirra og frágangi. Innheimt verður fyrir eftirlitið samkvæmt gjaldskrá stofnunarinnar 11.200 kr/klst.

Virðingarfyllst

Þórdís V. Bragadóttir

Þórdís V. Bragadóttir
Sérfræðingur

Sigrún Ágústsdóttir

Sigrún Ágústsdóttir
Sviðsstjóri